

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

রবিবার, এপ্রিল ২৫, ১৯৯৯

গণপ্রজাতন্ত্রী বাংলাদেশ সরকার।

স্থানীয় সরকার, পল্লী উন্নয়ন ও সমবায় মন্ত্রণালয়

স্থানীয় সরকার বিভাগ

প্রজ্ঞাপন

তারিখ, ৭ই বৈশাখ ১৪০৬/২০শে এপ্রিল ১৯৯৯

এস, আর, ও নং ৮৩-আইন/৯৯—Paurashava Ordinance, 1997 (Ord. XXVI of 1977) এর section 149 এর sub-section (3) এ প্রদত্ত ক্ষমতাবলে সরকার নিম্নবর্ণিত আদর্শ উপ-আইনমালা প্রণয়ন করিল, যথাঃ—

১। সংক্ষিপ্ত শিরোনাম।—এই উপ-আইনমালা পৌরসভা পানি সরবরাহ আদর্শ উপ-আইনমালা, ১৯৯৯ নামে অভিহিত হইবে।

২। সংজ্ঞা—বিষয় বা প্রসংগের পরিপন্থী কোন কিছু না থাকিলে, এই উপ-আইনমালায়—

(ক) “গৃহস্থালী সংযোগ” অর্থ এইরূপ সংযোগ যন্ত্রাণা কোন বাস গৃহে রাস্তা-বাসা, খোলা-মোছা, গোসল ও অন্যান্য দৈনন্দিন কাজে ব্যবহারের জন্য পানি সরবরাহ করা হয়;

(খ) “গ্রুপ-টোপ সংযোগ” অর্থ এইরূপ গৃহস্থালী সংযোগ যন্ত্রাণা একাধিক বাস গৃহে পানি সরবরাহ করা হয়;

( ১৯২১ )

মূল্য : টাকা ৩.০০

- (গ) “নির্ধারিত ফরম” অর্থ এই উপ-আইনমালার সহিত সংযোজিত ফরম;
- (ঘ) “পানি” অর্থ পৌরসভা কর্তৃক সরবরাহকৃত পানি;
- (ঙ) “পৌরসভা” অর্থ Paurashava Ordinance, 1977 (Ord. XXVI of 1977) এর অধীন গঠিত কোন পৌরসভা;
- (চ) “প্রতিষ্ঠানিক সংযোগ” অর্থ এইরূপ সংযোগ যন্ত্রাণ্ডা কোন ধর্মীয় প্রতিষ্ঠান, শিক্ষা প্রতিষ্ঠান কিংবা হাসপাতালে ব্যবহারের জন্য পানি সরবরাহ করা হয়।
- (ছ) “বাণিজ্যিক/শিল্প-সংযোগ” অর্থ এইরূপ সংযোগ যন্ত্রাণ্ডা Factories Act, 1965 (E.P. Act IV of 1965) এ সংজ্ঞায়িত কোন ফ্যাক্টরী (Factory) এবং Shops and Establishments Act, 1965 (E.P. Act VII of 1965)-এ সংজ্ঞায়িত কোন দোকান (Shop) ও প্রতিষ্ঠানে (Establishment) ব্যবহারের জন্য পানি সরবরাহ করা হয়;

৩। পানির সংযোগ গ্রহণের আবেদন।—(১) পানির সংযোগ গ্রহণের জন্য পৌরসভা বরাবরে নির্ধারিত ফরমে আবেদন করিতে হইবে।

(২) আবেদনের ফরম পৌরসভা কর্তৃক নির্ধারিত মূল্যে পৌরসভার পানি সরবরাহ শাখা হইতে সংগ্রহ করা যাইবে।

(৩) আবেদন পত্রের সহিত যে স্থানে বা স্থাপনায় পানির সংযোগ গ্রহণ করা হইবে উহার প্লান্সিং প্ল্যান দাখিল করিতে হইবে।

৪। পরিদর্শন।—(১) অনুচ্ছেদ ৩ এর অধীন পানির সংযোগ গ্রহণের জন্য কেহ আবেদন করিলে পৌরসভা উহার কোন কর্মকর্তা দ্বারা প্রস্তাবিত পানি সরবরাহের স্থান বা স্থাপনা, পানি সরবরাহ লাইন এবং প্লান্সিং সিস্টেম বা প্ল্যান পরিদর্শন ও পরীক্ষা করিবে এবং উক্ত কর্মকর্তা পরিদর্শন ও পরীক্ষা শেষে পৌরসভার নিকট তাহার লিখিত প্রতিবেদন দাখিল করিবেন।

(২) আবেদনপত্র দাখিলের ত্রিশ দিনের মধ্যে উপ-অনুচ্ছেদ (১) এ বর্ণিত পরিদর্শন ও পরীক্ষা কার্য সমাপ্ত করিতে হইবে :

তবে শর্ত থাকে যে, বিশেষ কারণে পৌরসভা উক্ত সময়সীমা অনধিক ত্রিশ দিন বর্ধিত করিতে পারিবে।

৫। পানির সংযোগ প্রদান বা প্রত্যাখ্যান।—(১) অনুচ্ছেদ ৪ এর অধীন প্রতিবেদন প্রাপ্তির পনের দিনের মধ্যে পৌরসভা পানির সংযোগ প্রদান অথবা উহা প্রত্যাখ্যান করার সিদ্ধান্ত গ্রহণ করিবে।

(২) উপ-অনুচ্ছেদ (১) এ অধীন পানির সংযোগ প্রদানের সিদ্ধান্ত গৃহীত হইলে, পৌরসভা আবেদনকারীকে অনুচ্ছেদ ৬ এ উল্লিখিত সংযোগ ফি এবং পানির সংযোগ স্থাপনের যাবতীয় খরচের পরিমাণ লিখিতভাবে জানাইবে।

(৩) উপ-অনুচ্ছেদ (১) এর অধীন পানির সংযোগ প্রদান প্রত্যাখ্যান করা হইলে, পৌরসভা আবেদনকারীকে উহার কারণ লিখিতভাবে জানাইবে।

৬। সংযোগ ফী ইত্যাদি।—(১) অনূচ্ছেদ ৫ এর অধীন কোন আবেদনকারীকে পানির সংযোগ প্রদানের সিদ্ধান্ত গৃহীত হইলে, উক্ত আবেদনকারীকে নিম্নবর্ণিত ফী জমা দিতে হইবে, যথাঃ—

পানি ব্যবহারের উদ্দেশ্য	পানি সরবরাহ পাইপের ব্যাস (ইঞ্চিতে)	সংযোগ ফি (টাকায়)
গৃহস্থালি	(ক) ১/২"	৩০০.০০
গৃহস্থালি	(খ) ৩/৪"	৩৫০.০০
গৃহস্থালি	(গ) ১"	১০০০.০০
বাণিজ্যিক/শিল্প	(ঘ) ১-১/২"	৪০০০.০০
বাণিজ্যিক/শিল্প	(ঙ) ২"	৪৫০০.০০
বাণিজ্যিক/শিল্প	(চ) ৩"	৫০০০.০০
বাণিজ্যিক/শিল্প	(ছ) ৪"	৬০০০.০০
বাণিজ্যিক/শিল্প	(জ) ৬"	৬৫০০.০০
গ্রুপ ট্যাপ/প্রতিষ্ঠানিক	(ঝ) ১/২", ৩/৪", ১"	৩০০.০০ + প্রতি ফুট আরও ২০০.০০ টাকা। প্রতিষ্ঠানের ক্ষেত্রে শুধুমাত্র ৩০০.০০ টাকা সংযোগ ফি।

(২) উপ-অনূচ্ছেদ (১) এ বর্ণিত সংযোগ ফী ছাড়াও আবেদনকারীকে পানির সংযোগ স্থাপনের জন্য পৌরসভা কর্তৃক নির্ধারিত যাবতীয় খরচ বহন করিতে হইবে।

৭। সংযোগ ফী ইত্যাদি পরিশোধ।—অনূচ্ছেদ ৬ এর অধীন সংযোগ ফী ও সংযোগ স্থাপনের খরচ এবং এই উপ-আইনমালা দ্বারা নির্ধারিত অন্যান্য চার্জ, যদি থাকে, সংযোগ প্রদানের অনুমতি দানের পরবর্তী এক মাসের মধ্যে আবেদনকারী পরিশোধ না করিলে পৌরসভা সংযোগের অনুমতি বাতিল করিতে পারিবে।

৮। পানির মিটার।—(১) কোন স্থানে বা স্থাপনার পানির সংযোগ প্রদান করা হইলে, পৌরসভা প্রয়োজন মনে করিলে সরবরাহকৃত পানির পরিমাণ নিরূপণের জন্য উক্ত স্থান বা স্থাপনার উপযুক্ত কোন স্থানে মিটার স্থাপন করিতে পারিবে।

(২) উপ-অনূচ্ছেদ (১) এর অধীন মিটার স্থাপনের সিদ্ধান্ত গৃহীত হইলে উক্ত মিটারের মূল্য এবং পৌরসভা কর্তৃক নির্ধারিত মিটার স্থাপন খরচ পানির সংযোগ গ্রহণকারীকে পরিশোধ করিতে হইবে।

(৩) মিটার পরিদর্শন ও মিটার রিডিং সংগ্রহের জন্য পৌরসভা কর্তৃক নিযুক্ত কর্মকর্তা বা কর্মচারীকে পানির সংযোগ গ্রহণকারী প্রয়োজনীয় সংযোগ প্রদান করিতে বাধ্য থাকিবেন।

(৪) কোন মিটার পৌরসভা কর্তৃক সঠিক মনে না হইলে, পৌরসভা যে কোন সময় উহা পরীক্ষা করার জন্য উক্ত সংযোগ হইতে খুলিয়া আনিতে এবং পুনঃ স্থাপন করিতে পারিবে, এই জন্য পানির সংযোগ গ্রহণকারী কর্তৃক পৌরসভাকে কোন ফী বা চার্জ দিতে হইবে না।

১। পানি সরবরাহ পাইপে ষ্টপ কক স্থাপন।—(১) পানি সরবরাহ পাইপ লাইনে ষ্টপ কক থাকিবে এবং উক্ত পাইপ ও ষ্টপ কক ৩০ পি, এস, আই, উচ্চ চাপ ধারণ ক্ষমতা সম্পন্ন হইবে।

(২) ষ্টপ কক পানি সরবরাহ পাইপ লাইনে এমন স্থানে স্থাপন করিতে হইবে যাহাতে উহা সহজে পরিদর্শন ও পরীক্ষা করা যায়।

১০। অস্থায়ী সংযোগ।—(১) পৌরসভা তৎকর্তৃক সময় সময় নির্ধারিত হারে সংযোগ ফী প্রদান সাপেক্ষে, অনূর্ধ্ব এক মাস সময়কালের জন্য পানির অস্থায়ী সংযোগ প্রদান করিতে পারিবে।

(২) এক ইঞ্চি ব্যাসের উর্ধ্বের পাইপের সাহায্যে কোন অস্থায়ী সংযোগ প্রদান করা যাইবে না।

১১। পানির মূল্য হার।—(১) মিটারবিহীন সংযোগ দ্বারা পানি সরবরাহের ক্ষেত্রে, পৌরসভা, সরকারের পূর্ব-অনুমোদনক্রমে, সময় সময় পানি সরবরাহ পাইপ লাইনের ব্যাসের ভিত্তিতে এবং সংযোগের ধরণের ভিত্তিতে মাসিক পানির মূল্য হার নির্ধারণ করিবে।

(২) উপ-অনুচ্ছেদ (১) এ যাহাই থাকুক না কেন, অস্থায়ী সংযোগের ক্ষেত্রে। পানি সরবরাহ পাইপ লাইনের ব্যাসের ভিত্তিতে, পৌরসভা কর্তৃক, সরকারের পূর্ব-অনুমোদনক্রমে, দৈনিক হারে পানির মূল্য নির্ধারিত হইবে।

(৩) মিটারযুক্ত সংযোগ দ্বারা পানি সরবরাহের ক্ষেত্রে, পৌরসভা কর্তৃক, সময় সময় সরকারের পূর্ব-অনুমোদনক্রমে, পানির মূল্য নির্ধারিত হইবে।

(৪) মিটার ত্রুটিপূর্ণ থাকার ক্ষেত্রে পৌরসভা দ্রুত উহা মেরামতের ব্যবস্থা গ্রহণ করিবে; যে মাসে মিটার ত্রুটিপূর্ণ থাকিবে সেই মাসের পানির মূল্য পূর্ববর্তী তিন মাসের পানির মূল্যের গড় হার দ্বারা নির্ধারিত হইবে।

(৫) পৌরসভা কর্তৃক এতদুদ্দেশ্যে নিযুক্ত কর্মকর্তা বা কর্মচারী প্রতিমাসে একবার মিটার রিডিং সংগ্রহ করিবে।

১২। পানির মূল্য পরিশোধ।—(১) এই উপ-আইনমালার অধীন পানির নির্ধারিত মূল্য পৌরসভা কার্যালয়ে বা পৌরসভা কর্তৃক নিযুক্ত প্রতিনিধির নিকট পৌরসভা কর্তৃক নির্ধারিত সময়ের মধ্যে পরিশোধ করিতে হইবে, মূল্য পরিশোধে ব্যর্থতার ক্ষেত্রে, পৌরসভা নিম্নবর্ণিত পদ্ধতি অনুসরণপূর্বক সংশ্লিষ্ট পানির সংযোগ বিচ্ছিন্ন করিতে পারিবে, যথা:

- (ক) মূল্য পরিশোধ করার নির্ধারিত সময়ের পর এক মাস অতিবাহিত হইলে, পৌরসভা, পানির সংযোগ গ্রহণকারীকে উপ-অনুচ্ছেদ (৩) এ উল্লিখিত জরিমানাসহ তাহার সমস্ত বকেয়া পাওনা পরবর্তী এক মাসের মধ্যে পরিশোধ করিতে নোটিশ দিবে;
- (খ) যদি উল্লিখিত এক মাসের মধ্যে পানির সংযোগ গ্রহণকারী নোটিশে উল্লিখিত তাহার বকেয়া পরিশোধ না করেন, তাহা হইলে পৌরসভা তাহাকে আরও এক মাসের সময় দিয়া উহা পরিশোধের নোটিশ দিবে;
- (গ) যদি এইবারও পানির সংযোগ গ্রহণকারী নোটিশে উল্লিখিত বকেয়া পরিশোধে ব্যর্থ হন তাহা হইলে পৌরসভা, তাহাকে আরও পনের দিনের সময় দিয়া উক্ত বকেয়া পরিশোধের নোটিশ দিবে;
- (ঘ) উল্লিখিত পনের দিনের মধ্যে পানির সংযোগ গ্রহণকারী বকেয়া পরিশোধ না করিলে, উক্ত মেয়াদ শেষ হইবার পর পৌরসভা সংশ্লিষ্ট পানির সংযোগ বিচ্ছিন্ন করিবে।

(২) পানির মূল্য পরিশোধের জন্য উহার বিলে নির্ধারিত সময়ের মধ্যে উক্ত মূল্য পরিশোধ করা না হইলে তজ্জনা পৌরসভা বিলে বর্ণিত পানির মূল্যের উপর ৫% হারে জরিমানা আরোপ করিতে পারিবে।

(৩) পানির মূল্য পরিশোধের জন্য উহার বিলে নির্ধারিত সময়ের মধ্যে উক্ত মূল্য পরিশোধ করা হইলে পৌরসভা বিলে বর্ণিত পানির মূল্যের উপর ১০% রিবেট প্রদান করিতে পারিবে।

১৩। পানির অপব্যবহার ও অপচয়রোধ।—(১) এই উপ-আইনমালার অধীন পৌরসভা কর্তৃক সরবরাহকৃত পানি কোন পুকুর, জলাশয় বা ক্ষেত-খামারে সরবরাহ কিংবা সেচ কার্যে ব্যবহার করা যাইবে না।

(২) মিটারবিহীন সংযোগের ক্ষেত্রে, পানির সরবরাহের পাইপ লাইন ছিদ্র হওয়া, পানির উপচাইয়া পড়া অথবা অন্য যে কোন প্রকার ত্রুটি, এবং মিটারযুক্ত সংযোগের ক্ষেত্রে, প্লাম্বিং সিস্টেমের যে কোন প্রকার ত্রুটি, যাহার কারণে পানি অপচয় হইতে পারে পৌরসভার কর্মকর্তার গোচরে আসা মাত্রই উহা সারানোর জন্য সময় নির্ধারণপূর্বক পানির সংযোগ গ্রহণকারীর উপর নোটিশ প্রদান করিবে এবং নির্ধারিত সময়ের মধ্যে ত্রুটি সারানো না হইলে সংযোগ বিচ্ছিন্ন করা যাইবে।

১৪। বর্জ্য পানি নিষ্কাশন।—পৌরসভার সন্তোষ অনুযায়ী পানির সংযোগ গ্রহণকারী কর্তৃক বর্জ্য পানি নিষ্কাশনের কার্যকর ব্যবস্থা রাখা না হইলে পানির সংযোগের অনুমতি প্রদান করা যাইবে না।

১৫। অন্য উৎস হইতে সংযোগ গ্রহণের উপর নিষেধাজ্ঞা।—যেখানে পৌরসভা কর্তৃক নিরাপদ পানি সরবরাহ ব্যবস্থা রহিয়াছে, সেখানে পৌরসভা কর্তৃক অননুমোদিত পানি সরবরাহ উৎস ব্যতিরেকে কোন কূপ বা পুকুর বা পানি সরবরাহের অন্য কোন উৎস হইতে পানির সংযোগ গ্রহণ করা যাইবে না।

১৬। অনিয়মিত পানি সরবরাহ।—প্রাকৃতিক বিপর্যয়ের কারণে অথবা পৌরসভার ক্ষমতা বহির্ভূত যে কোন কারণে পানি সরবরাহ অনিয়মিত, হ্রাস প্রাপ্ত অথবা বন্ধ হইলে তৎক্ষণাৎ পৌরসভা দায়ী হইবে না, তবে পৌরসভা পানি সরবরাহ স্বাভাবিক করার উদ্দেশ্যে সর্বপ্রকার ব্যবস্থা গ্রহণ করিবে।

১৭। সংযোগ বিচ্ছিন্নকরণ।—(১) কোন ব্যক্তি পৌরসভার অননুমোদন ব্যতীত পানির সংযোগ গ্রহণ করিলে উক্ত সংযোগ কোন প্রকার নোটিশ প্রদান ব্যতীত বিচ্ছিন্ন করা যাইবে।

(২) নির্ধারিত সময়ে পানির মূল্য পরিশোধ করা না হইলে অনচ্ছেদ ১২ এর উপ-অনচ্ছেদ (১) এ বর্ণিত পদ্ধতিতে পানির সংযোগ বিচ্ছিন্ন করা যাইবে।

(৩) নিম্নবর্ণিত যে কোন কারণে পানির সংযোগ গ্রহণকারীকে পনের দিনের অগ্রিম লিখিত নোটিশ প্রদান করিয়া পানির সংযোগ বিচ্ছিন্ন করা যাইবে, যথাঃ—

(ক) এই উপ-আইনমালার বিধান লঙ্ঘনপূর্বক পানি সরবরাহ পাইপ বা মিটারের ক্ষতি-সাধন, পানির পাইপের ব্যাস পরিবর্তন অথবা অবৈধভাবে অন্য কোন প্রকার হস্তক্ষেপ করা হইলে;

(খ) পানির মূল্য নির্ধারণ অথবা মিটার রিডিং এর উদ্দেশ্যে পৌরসভা কর্তৃক ক্ষমতাপ্রাপ্ত কোন কর্মকর্তা বা কর্মচারীকে সর্বোদয় ও সর্বোস্তের মধ্যে পানির সংযোগ লাইন, প্লাম্বিং সিস্টেম, মিটার অথবা এতদসংক্রান্ত অন্য কোন কিছুর পরীক্ষা বা পরিদর্শন করিতে বাধা প্রদান করা হইলে;

(গ) পানির সঞ্চার আধার হইতে যে কোন চূড়ান্ত কারণে অবৈধভাবে পানি পড়িতে থাকিলে অথবা উপচাইয়া পড়িতে থাকিলে;

(ঘ) পুকুর, জলাশয় বা ক্ষেত-খামারে সরবরাহ কিংবা সেচ কার্যে ব্যবহার করিলে অথবা অন্য যে কোনভাবে পৌরসভা কর্তৃক সরবরাহকৃত পানির ইচ্ছাকৃত অপব্যবহার করিলে;

(ঙ) এই উপ-আইনমালার কোন বিধান লঙ্ঘন করা হইলে।

১৮। পানির পুনঃসংযোগ গ্রহণ।—পৌরসভা কর্তৃক নির্ধারিত পুনঃসংযোগ ফী সহ যাবতীয় বকেয়া পাওনা পরিশোধ সাপেক্ষে, পানির পুনঃসংযোগ গ্রহণ করা যাইবে।

১৯। বকেয়া পাওনা আদায়।—এই উপ-আইনমালার অধীনে কোন ব্যক্তির নিকট পৌরসভার প্রাপ্য সকল অর্থ Public Demands Recovery Act, 1913 (Ben. Act XIII of 1913) এর অধীন আদায়যোগ্য হইবে।

## ফরম

(অনুচ্ছেদ ৩ দ্রষ্টব্য)

.....পৌরসভা

গৃহ-সংযোগের জন্য আবেদনপত্র (নমুনা)

স্বাক্ষর: চেয়ারম্যান, ..... পৌরসভা: আবেদনের তারিখ.....

১। আবেদনকারীর নাম..... ২। হোল্ডিং নম্বর/ঠিকানা.....

৩। পরিবার/গৃহ সংখ্যা (এ হোল্ডিংয়ে).....

৪। পানি ব্যবহারকারীর সংখ্যা.....

৫। সংযোগের ধরণ: গৃহস্থালি/বাণিজ্যিক/শিল্প/গ্রুপ-ট্যাপ/প্রতিষ্ঠানিক

৬। ইতিপূর্বে এই হোল্ডিং নম্বরে আর কোন সংযোগ নেওয়া হইয়াছে কিনা?

হ্যাঁ না 

৭। সংযোগের স্থায়িত্ব: (ক) স্থায়ী (খ) অস্থায়ী, ..... দিনের জন্য

## ৮। শর্তাবলী:

সংযোগ গ্রহণকারী পানি ব্যবহারের ব্যাপারে, পৌরসভা পানি সরবরাহ উপ-আইনমালা, ১৯৯৮, মানিয়া চলিতে বাধ্য থাকিবেন।

.....  
আবেদনকারীর স্বাক্ষর

তারিখ: .....

## পৌরসভা পানি সরবরাহ শাখার ব্যবহারের জন্য

৯। পরিদর্শন: আবেদনকারীর স্থান/স্থাপনা/প্লাম্বিং সিস্টেম ঠিক আছে/নাই;  
সংযোগ দেয়া যায়/যায় না।

প্রয়োজনীয় মালামাল, বাহা আবেদনকারীকে, সংযোগ স্থাপনের জন্য দিতে হইবে:

.....সুপার এর স্বাক্ষর

তারিখ.....

পুনঃসংযোগের বেলায়:

আবেদনকারী তার সমস্ত বকেয়া ও সারচার্জ, মোট টাকা....., পরিশোধ করিয়াছে/  
করে নাই; পুনঃসংযোগে দেওয়া যায়/যায় না।

.....সুপার এর স্বাক্ষর

তারিখ.....

## ১০। পৌরসভা সিদ্ধান্তঃ—

- (ক) সংযোগ প্রদানের অনুমতি প্রদান করা গেল না; সুপার লিখিতভাবে আবেদনকারীকে জানাইয়া দিন। অথবা
- (খ) সংযোগ প্রদানের অনুমতি প্রদান করা গেল; সুপার, নির্ধারিত ফিস ও খরচ প্রাপ্তি সাপেক্ষে, সংযোগ দানের ব্যবস্থা করুন।

.....চেয়ারম্যানের স্বাক্ষর

তারিখ.....

## ১১। আবেদনকারী নিম্নবর্ণিত ফিস/টাকা প্রদান করিয়াছেনঃ

- (ক) সংযোগ ফিসঃ টাকা.....
- (খ) (পূর্নঃ সংযোগের বেলায়) বকেয়া-সারচার্জ, টাকা.....
- (গ) মিটার চার্জ, টাকা.....
- (ঘ) মিটার বসানোর খরচ, টাকা.....

মোট টাকাঃ .....

কথায়ঃ .....

.....হিসাব রক্ষক/সুপার,

তারিখ.....

## ১২। সংযোগ দেওয়া হইল।

সুপার এর স্বাক্ষর, তারিখ..... আবেদনকারীর স্বাক্ষর, তারিখ.....)

রাষ্ট্রপতির আদেশক্রমে

বদিউর রহমান

সচিব।

স্বাঃ আবদুল করিম সত্তকার (উপ-সচিব), উপ-নিয়ন্ত্রক, বাংলাদেশ সরকারী মন্ত্রণালয়,  
ঢাকা কর্তৃক মূদ্রিত।

স্বাঃ আমিন জুবেরী আলম, উপ-নিয়ন্ত্রক, বাংলাদেশ ফরমস্ ও প্রকাশনী অফিস,  
তেজগাঁও, ঢাকা কর্তৃক প্রকাশিত।